

ODRŽANA 21. SJEDNICA VIJEĆA IPP FEDERACIJE BIH

01.12.2020 09:46



Dvadeset prva sjednica Vijeća za infrastrukturu prostornih podataka Federacije BiH je održana putem

elektroničkih komunikacijskih kanala 30.11.2020. godine. Na sjednici su učestvovali članovi Vijeća nadležnih institucija u skladu sa rješenjem Vlade Federacije BiH.

Usaglašenim dnevnim redom razmatrane su naredne teme:

- Usvajanje Zapisnika sa prethodne 20. Sjednice Vijeća IPP-a FBiH, održane 29.09.2020;
- Informacija o statusu Zakona o IPP FBiH;
- Informacija o statusu Aktivnosti radnih grupa od prethodne sjednice;
- Informacija o učestvovanju institucija u aktivnostima IPP FBiH;
- Informacija o harmonizaciji dijela podataka IPP FBiH – ETL procedure;
- Informacija i online prezentacija o ažuriranju metapodataka IPP FBiH;
- Razvoj Geoportala IPP FBiH – informacija i online prezentacija;
- Nacrt izvještaja o radu Vijeća IPP FBiH;
- Imenovanje članova vijeća, novi saziv;
- Ostalo:

–Informacija o vezanim projektnim aktivnostima;

–Planirano za naredni period, sjednice i druge aktivnosti.

Posebna pažnja tokom održane sjednice posvećena je prezentaciji dodatno razvijenih mogućnosti preglednika Geoportala IPP koji je razvijen i podešen za prikaz više skupova podataka koji su predmet infrastrukture podataka FBiH.

Prisutni članovi vijeća su iskazali zadovoljstvo postignutim napretkom od prethodno održane sjednice i dali podršku daljim tehničkim priprema za javnu objavu preglednika Geoportala IPP FBiH te pozvali i ostale institucije, subjekte IPP FBiH, na ulaganje dodatnih napora da uz podršku Federalne uprave za geodetske i imovinsko – pravne poslove osiguraju standardizaciju i dostupnost podataka iz vlastite nadležnosti.

Naredna sjednica Vijeća za infrastrukturu prostornih podataka Federacije BiH planirana je tokom decembra tekuće godine.